

古文尚書鄭氏注箋釋

古文尚書鄭氏注箋釋卷三十三

曹元弼學

康王之誥第三十 周書 古文尚書 鄭氏注

箋云史遷說太子釗遂立。是為康王。康王即位。徧

告諸侯。宣告以文武之業以申之。作康誥。康下脫王之

字**釋曰**序云康王既尸天子。遂告諸侯。作康王之

誥。如序及史記所云。則康王之誥當斷自王若曰

以下可知矣。此篇與顧命一事相終始。分篇處。今

古文蓋皆空一字。馬鄭本乃分別為二。

王若曰。庶邦侯甸男衛。惟予一人釗報告。

獨舉侯甸男衛四服者。周公居攝六年制禮頒度

量。

詩周頌
譜疏

成王即位乃始用之。

明堂
位疏

至此積三十

年。再巡狩餘六年。侯甸男要服正朝。要服國遠。既

事遣之。衛服前冬來。以王有疾留之。

詩周頌
譜疏

釋曰

太保芮伯等率諸侯進戒。故王呼庶邦而報詰之

以申其意。君臣內外交勉以順天恤民永保文武

受命也。六服獨呼侯甸男衛者。王氏云。鄭于顧命

篇首惟四月注云。居攝六年為年端。此成王二十

八年。又于金縢篇末注云。周公居攝七年作洛誥。

明年成王即政。又洛誥篇末周公誕保文武受命

惟七年。鄭注云。文武受命皆七年而崩。周公居攝不敢過其數也。然則從居攝六年數起。七年致政。明年成王即政。即政二十八年崩。上距六年制禮適三十年也。又云再巡狩餘六年者。秋官大行人云。十有二年王巡狩殷國。則二十四年再巡狩。今三十年則再巡狩餘六年矣。又云侯。甸男要服正朝云云者。據大行人侯服歲一見。甸服二歲一見。男服三歲一見。采服四歲一見。衛服五歲一見。要服六歲一見。則侯服年年朝。甸服二歲見者至此六年當三朝。男服三歲見者至此六年則再朝。要

服六歲見者固當其正朝之期也。然則此時朝者當是侯甸男要四服。經乃言侯甸男衛不見要服。故鄭推其故。以為要服國遠既事遣之。衛服前冬來。以王有疾留之。或疑要服既事遣之。則衛服前冬來者何反不遣而猶留耶。若衛服來時以王疾不得行禮。則要服後來何反得既事而遣耶。蓋要服遠。優恤之。故遣。衛服差近。故留耳。且周都豐鎬。四方道里不均。東方侯甸亦遠。西方衛要反近。周禮朝貢之歲。不過言其大略。未必拘拘定制。鄭特以不見要服而推論之。不必泥也。酒誥亦云侯甸

男衛。亦約舉之詞耳。案九服皆據土中王城四面分之。王說甚是。尸天子朝諸侯。故稱予一人。初喪未踰年即位。故自名。此第一節。呼庶邦發詔。

又案鄭注疏引不備。乃始用之下。當補以制禮之年為巡狩述職年端一句。衛服前冬來下。當補或稍遲不及助冬。烝待助建寅月春祠事畢未及遣歸又二十二字。義乃完足。

昔君文武丕平富。不務咎。底至齊。信用昭明于天下。則亦有熊羆之士。不二心之臣。保乂王家。用端命于上帝。皇天用訓厥道。付畀四方。

箋云齊中也。

釋馬讀齊字絕句。二或作貳。

蔡邕司空文烈

侯楊公碑

釋曰

江氏云。說文。務趣咎災也。文武大平富

天下之民。使不趣于咎災。言為民除害也。祭法曰。武王以武功去民之菑。齊中也。致行至中。其誠信用能昭明于天下。中庸曰。武王纘太王王季文王之緒。壹戎衣而有天下。身不失天下之顯名。此之謂信用昭明于天下。案平猶安也。周禮曰。和親安平。安平相將。故宣王亦稱平王。言文武至誠濟民。發政施仁。大平富天下之人。使安居樂業。家給人足。不罹於禍災。其行事止於至中。底止也。文澹如

燬之災。武成救民之功。已日乃孚。革而信之。無毫
髮富天下之心。故信用昭明於天下。文武君德既
如是。則亦有如熊如羆義勇奮力之士。忠貞不貳
心之臣。輔之。安治王家。用正受命于上帝。言正當
天心也。保安。冬。治。端正也。皇天用順其道。付與以
四方。訓順也。言天以其道為順。易所謂順乎天也。

此第二節。言文武以聖主得賢臣。受天命有天下。
下。

乃命建侯樹屏。在我後之人。今予一二伯父。尚胥暨
顧。綏爾先公之臣。服于先王。雖爾身在外。乃心罔不

在王室。用奉恤厥若。無遺鞠子羞。

箋云

顧猶念也。乃或作延。周或作無。

漢書谷永傳

釋曰

文武得賢臣以共濟生民。天下已定。乃命建諸侯樹屏藩。以存在我後之人。俾長治久安。謂武王大封功臣兄弟及先聖之後。興滅繼絕。成王增封親賢。更廣大邦國之境也。王氏念孫云。在。謂相顧在。春秋左氏襄廿六年傳云。衛獻公使讓大叔文子曰。吾子獨不在寡人。吳語云。昔吳伯父不失春秋。必率諸侯以顧在余一人。即此在字之義也。下文云。今予一二伯父尚胥暨顧。亦相顧在也。案在我

後之人。非如柳氏宗元所云。私其力於己。私其衛
於子孫也。選賢與能以共任天下之政。普施功德
於民。巡狩述職考績黜陟。羣后皆篤於仁義奉上
法。繼世有國必以象賢命於天子。天子敬天法祖。
德教加於百姓。刑於四海。諸侯制節謹度。保社稷
和民人。使四海之內有講信修睦之利。無爭奪相
殺之患。人人相愛相敬以相生相養相保。則天下
世世太平安樂。此三代之所以長有道也。後世封
建變為郡縣。而聖人之道。治封建之天下。以此。治
郡縣之天下。亦必由此。小而至於一鄉一家一人。

皆由此則治。不由則亂。外至絕域殊俗。能久治利
民者。其理亦必隱相符合。說者不察。妄議聖法。謬
矣。禮。天子謂同姓諸侯為伯父。叔父。異姓為伯舅
叔舅。此云一二伯父。舉同姓尊者以該其餘。尚胥
暨顧。庶幾相與顧在我也。綏者。孫氏云。綏字說文
本作綏。周官夏米以來車建綏。注云。綏當為綏。釋
詁云。綏。繼也。綏爾先公之臣服于先王當為一句。
言繼爾先公之臣服于先王也。恤者。說文云。收也。
釋詁。若善也。釋言。鞠。釋也。言爾身在外爾心無不
在王家。以奉收其善。無遺我釋子羞愧也。案此嘉

而勉之。奉恤厥若。謂奉取善道以為政。助王憂民而順之。恤憂若順。義德相兼。此第三節。勉諸臣諸侯一心輔王室。行善政順天道民心。

羣公既皆聽命。相揖趨出。王釋冕反喪服。

羣公主謂諸侯與王之三公。諸臣亦在焉。王釋冕

反喪服。朝臣諸侯亦反喪服。禮喪服篇臣為君。諸

侯為天子。皆斬衰。疏箋云。白虎通曰。緣始終之義。

一年不可有二君也。故尚書曰。王釋冕。下脫反字喪服。

吉冕受銅楬。王以接諸侯。明己繼體為君也。釋冕

藏銅反喪。下脫服字明未稱王以統事也。詩篇釋曰。三公

及二王後稱公。餘諸侯亦得通稱公。時朝臣皆在。則羣公中亦包見之。經主言王反喪服。臣子禮同。故注補言之。此第四節。朝諸侯報誥畢反喪服。自是居倚廬。白虎通言藏銅者。據上篇太保降收之文也。此篇惟一章。

古文尚書鄭氏注箋釋卷三十四

曹元弼學

棗誓第三十一 周書 古文尚書 鄭氏注

箋云

說文曰。棗。惡米也。从米。比聲。周書有棗誓。部米

今文棗作肸。史遷說。伯禽即位之後。有管蔡等反

也。淮夷徐戎亦並興反。於是伯禽率師伐之於肸。

作肸誓。遂平徐戎。定魯。大傳肸作鮮。一作獨。史記集解

今本棗作費。費誓在文侯之命後。**釋曰**周禮雍氏

禮記曾子問注稱書皆作棗誓。是鄭本作棗。史記

集解索隱稱書亦皆作棗。是唐初偽孔本又作棗。

柴本惡米之名。執即其遺體。魯東郊地以為名。今無可考。索隱以為即李氏之費邑。後人因改為費。孫氏云即今山東費縣。左傳隱元年費伯帥師城郎。後為李氏邑。亦即南武城。孟子云。曾子居武城。有越寇。蓋費地在曲阜東南。又通沂州府。與淮徐連界。故淮徐之國時為魯難。魯公出師至此作誓也。案如孫說。則魯公於東郊嚴為守備。遂帥師東南行迎擊之。至此作誓。柴蓋費之借。古文作柴。今文作𦵏。又作鮮作獮。皆音轉字變。是時周公伐淮夷踐奄。徐戎黨惡。來間將犯魯。據禮記曾子問。時

伯禽有母喪甫葬。禮父在為母雖期而心喪三年。
葬卒哭之期。居喪之禮皆與父同。伯禽既葬而即
從金革之事。以為王室扞難且為周公分勞。不得
已而行權。故曰有為為之。與後世居父母三年之
喪而冒利用兵者大異。記意如此。孔疏母喪之說
與禮並不相妨。時魯公從周公平克禍亂。至東征
歸後。周公踐阼而治。俾成王得專心學道以成君
德。命伯禽時至京師與成王居。抗世子法。居攝七
年歸政。成王命伯禽歸侯于魯。大啟其宇。為周公
後。此其先後行事之次也。此篇言行師節制極嚴。

明。故大傳附論田獵習戰之事。如梓材傳附論觀
喬觀梓。索隱謂作鮮作獮。取將戰先行獮田以治
兵。且取鮮獸以祭。或一義。

公曰。嗟。人無譁。聽命。徂茲淮夷徐戎並興。

人。謂軍之士衆及費地之民。

疏

釋曰

江氏云。譁。謹

也。淮夷。淮浦之夷。徐戎。徐州之戎。興。起也。言徃征

此淮夷徐戎並起為寇者。案淮夷徐戎並興者。淮

夷叛而徐戎與之並興。周公征淮夷。魯公征徐戎。

故此兼舉夷戎而下專言征徐戎。鄭以人為士衆

兼及費地之民者。孔疏謂下云杜獲斂甯。當使軍

旁之民為之是也。注費字當本作柴姑仍之。此

第一節。呼衆發命。

善教乃甲冑。教乃干。無敢不吊。備乃弓矢。鍛乃戈矛。
礪乃鋒刃。無敢不善。

教。謂穿徹之教。猶繫也。吊。至。猶善也。疏箋云。說文

曰。教。擇也。从攴。寒聲。周書曰。教乃甲冑。又曰。教。繫

連也。从攴。喬聲。周書曰。教乃干。讀若矯。文史遷教

作陳。吊作善。釋曰。此戒軍吏士衆以精練戎器也。

江氏云。甲冑皆以革為之。考工記函人職云。犀甲

七屬。兕甲六屬。合甲五屬。鄭注云。屬。謂上旅下旅

札續之數。是甲必聯合數革以為之也。又韋人職云。察其線。欲其臧也。杜子春云。線。謂縫革之縷。是甲冑之革。皆以線縷縫綴之。鄭云穿徹。即縫綴也。案敔以宋為聲。段氏云。說文四部。果从四米聲。或从片作宋。然則敔字古音不讀如了彫切。當如彌綸之彌。鄭注謂穿徹之。音義略相協。史公敔作陳者。孫氏云。說文訓敔為擇。夏小正云。陳筋革者。省兵甲也。省亦擇也。案敔者。繫紛綬於楯持之。且以為飾。弔者。逆之省。逆至也。弔猶善也。史公作善。與鄭義同。江氏謂弔謂密致也。密致則堅。甲冑也。干

也。皆所以敦衛者。故戒毋敢不堅致。是其善備具也。鍛者。廣雅釋詁云。椎也。礪。俗字。當爲厲。孫氏云。詩公劉取厲取鍛。傳云。鍛石也。箋云。鍛石所以爲鍛質也。取厲鍛斤斧之石。可以利器用。鋒者。鏈省字。說文鏈。兵器也。春秋傳云。磨厲以須。案聖人威天下不以兵革之利。然兵凶戰危。除戎器戒不虞。乃保民之大。遇亂之要。欲善其事。必利其器。惟聖人無藉乎兵革之利。亦惟聖人能用兵革之利。足食足兵。民信素定。以守則固。以征則克。殺人之器皆用以生人。夫人。函人之術。聖人用之。同歸於仁。

而已矣。此第二節。治兵器。

今惟淫舍牯牛馬。杜乃獲。斂乃弇。無敢傷牯。牯之傷。汝則有常刑。

牯。

此下或脫請字

為牯。牯之牯。施牯於牛馬之腳。使不得

走失。山林之田。春始穿地為弇。或設獲其中以遮

獸。獲。柞鄂也。

疏

箋云

淫。大也。

釋舍

放置也。

釋註杜

一作斂。弇。一作阱。周禮。雅氏。秋。令塞阱獲。鄭氏曰。

阱。穿地為塹。所以禦禽獸。其或超踰則陷焉。世謂

之陷阱。獲。柞鄂也。堅地阱淺。則設柞鄂于其中。秋

而杜塞阱獲。收刈之時。為其陷害人也。書策誓曰。

斂乃獲斂乃阱。時秋也。說文曰。牯。牛馬牢也。从牛。

告聲。周書曰。今惟淫舍。

二字本脫

今牯牛馬。

牛部

又曰。斂。

閉也。从攴。度聲。讀若杜。斂塞也。从攴。念聲。周書曰。

斂乃阱。

文部

釋曰

此戒師行所過軍民各守法令。淫

舍。大放也。牯。牛馬。鄭讀牯為枉。牯之牯。易曰。童牛

之牯。牯本施於罪人之手。此施於牛馬之前足。牯

牛馬者。謂所牯之牛馬。下云無敢傷牯。謂傷所牯

者。江氏云。軍中牛馬或備更迭駕舍。不盡服乘。恐

有走佚。故須牯。王氏云。古尚車戰。所資牛馬之力。

比後世行軍為尤重。軍行牛以輓輜重。馬以駕兵

車。軍止宿則放牧以休之。又慮走失。故牯之。杜者。
斂之借。阱甯同字。傷者。牛馬誤入獲甯而傷也。牯
之傷。是軍旁之民不奉令杜斂之咎。故有常刑。謂
罰責之。鄭云柞鄂者。周禮賁疏以為豎柞於中。向
上号号然。所以載或當為制禽獸。使足不至地。不得躍
而出。謂之柞号。是也。許君以牯為牛馬牢者。牛馬
本畜於牯。今自牯而出在軍。因以牯名之。故曰無
敢傷牯。蒙因此有感。陷獸之獲阱有時而塞。陷人
之獲阱無時而塞。昔人謂名利如錦覆陷阱。人皆
死之而甘心。而邪說誑行。又驅而納之。使迷醉狂。

藥。世無聖賢如周公魯公。誰拯其傷。

馬牛其風。臣妾逋逃。勿敢越逐。祇復之。我商賚汝。乃越逐不復。汝則有常刑。無敢寇攘。踰垣牆。竊馬牛。誘臣妾。汝則有常刑。

風。走逸。臣妾。厮役之屬也。寇。劫取也。因其失亡曰

攘。

史記博士讀曰襄。

爾雅釋詁疏

箋云

左傳服氏說風。

放也。牝牡相誘謂之風。

傳四年

史遽祇作敬。一作

振。復。反也。還也。

易復

卦注

逋。亡。越。逾。逐。追也。

說文

釋曰

風。謂因牝牡相誘而走佚者。臣妾男女貧賤在軍中給役者。言馬牛放佚。臣妾亡逃。軍士毋敢逾越。

部伍而追逐之。以致亂行。其民間得之者。牧歸其
本處。我商度賚予汝。易曰。喪馬勿逐。自復。是其義。
若乃亡者越逐。得者不復。犯軍紀。攘軍物。汝則有
常刑。軍行所過。士卒無敢強劫人家財物。或因端
盜取。又踰人垣牆。竊取其馬牛。誘引其臣妾。大干
軍法。汝則有常刑。每曰。汝則有者。言自取之。號令
嚴明如此。則秋毫無犯。民皆安堵矣。祇作敬者。訓
詰字。一作振者。聲轉義近。商。釋文徐音章。江云。章。
明也。博士讀曰襄者。謂今文博士所讀之本作襄。
襄亦因也。此第三節。申軍法。

甲戌。我惟征徐戎。峙乃糗糧。無敢不逮。汝則有大刑。

箋云史遷乃作爾。糗糧一作餼糧。說文曰。餼。乾食

也。从食。侯聲。周書曰。峙乃餼糧。鄭馬氏曰。大刑。死

刑。史記集解**釋曰**此戒軍吏士衆具足軍需。甲戌者。據

定至戰地之日。征之為言正也。徐戎黨逆作亂。故

用兵正其罪。峙當為峙。釋詁云。峙。具也。糗者。說文

云。熬米麥也。孫氏謂熬米雜麥而甘之。故說文引

書作餼。云乾食。說文無餼字。餼蓋糧之誤。糗。餼聲

通義同。逮及也。不逮。謂糧少不能偏及。則軍士飢

無以戰。子曰。足食足兵。民信之矣。古者以田賦出

兵。民間每歲賦入。公家積儲有素。臨事則由軍吏發給士衆。必令充足。其或不逮。非疏忽卽剋扣。以離衆心而誤大事。故有大刑。

魯人三郊三遂。峙乃楨榦。甲戌。我惟築。無敢不供。汝則有無餘刑。非殺。

無餘刑。非殺者。謂盡如其妻子。不遺其種類。在軍使給廩役。反則入于罪隸。春棠。不殺之。疏箋云史遷遂作隧。大傳說。古者百里之國。三十里之遂。二十里之郊。七十里之國。二十里之遂。九里之郊。五十里之國。九里之遂。三里之郊。馬氏曰。楨榦皆築。

具。楨在前。幹在兩旁。

史記集解

釋曰

魯公為周公守國。

佐周公討叛。容有東方近魯諸侯及附庸合併同征。故特言魯人。且郊遂係魯之郊遂。以周禮考之。王國百里為郊。王城之外。四面相距方二百里。居四同地。四郊之內置六鄉。萬二千五百家為鄉。家出一人得萬二千五百人。為一軍之數。故鄉出一軍。六鄉則六軍。餘地以為公邑。四郊之外置六遂。遂之家數出軍與鄉同。餘地以為公邑及采地。以達於畿。其以田賦出兵則同。行軍之法。先取諸六鄉。不足則取諸六遂。又不足則取諸公邑采地。或

傲師諸侯。諸侯四郊之內。大國置三鄉。鄉出一軍。故三軍。郊外置三遂。出軍同。魯為大國。當三鄉三遂。各出三軍。不言三鄉。言三郊者。鄉在郊內。故以郊言之。對遂在野也。時徐戎方熾。故郊遂之兵並起。或可三軍之衆。分取於郊遂耳。其東郊不闢。自別有兵守之。與鄉遂各三義。不相涉。楨榦者。江氏云。凡築牆及城者。以繩束板。置于兩旁。更豎木于其帛首。乃取土實于其中而築之。楨是其帛首之木。故云在前。榦則其兩旁之板也。案供給也。峙乃積榦者。戒郊遂士衆。當儲具為積。為榦之木材。至

甲戌之日。我至所征之地。即用築營壘等。無敢不給。不給亦是乏軍興。汝罪非殺。則有身家盡奴。無餘之刑。此係倒句法。言汝非殺。則有無餘刑也。上下言大刑是殺。此言無餘刑。即甘誓所謂奴戮。奴辱也。古人重廉恥。身家盡奴。雖後得免。其辱已甚。鄉里或羞與為伍。故以此威之。使不犯。積榦用少。非若糗糧。芻芡。人馬之食。頃刻不可待。故減死一等。然亦軍中要需。故亦予重罰。餘詳甘誓。

魯人三郊三遂。峙乃芻芡。無敢不多。汝則有大刑。

芡。乾芻也。疏

箋云。史遷多作及。釋曰。芻芡不多。牛

馬不得食。或輜重遲誤。或臨戰進退不可周旋。不能以陷於敗。故有大刑。多作及者。形近字變。孫氏謂及字較長。行軍之道。當愛士如子弟。與同甘苦。而號令必嚴。犯法必懲。威愛兼盡。戰乃必克。東山之詩。說以使民。民忘其死。藹乎春陽。何其愛也。費誓之書。三令五申。義正辭嚴。凜乎秋霜。何其威也。非周公偏乎仁。而魯公偏乎義也。仁之至。必義之盡。詩與誓各見其一爾。越王句踐之言曰。吾愛士。雖吾子不能過也。若其犯法。雖吾子不能赦也。王霸處心雖不同。而其得用兵之道則一也。此第

四節。備軍需。此篇惟一章。

古文尚書鄭氏注箋釋卷三十四終

古文尚書鄭氏注箋釋卷三十五

曹元弼學

呂刑第三十二 周書 古文尚書 鄭氏注

箋云今文呂作甫。大傳說孔子曰甫刑可以觀誠。史遷說甫侯言於王作修刑辟。命曰甫刑。**釋曰**說文呂脊骨也。昔四嶽為禹心呂之臣。故封於呂。國語周語說天胙禹以天下。賜姓曰姁。氏曰有夏。胙四岳國。賜姓曰姜。氏曰有呂。呂與夏皆氏也。亦皆國也。四岳炎帝之後。本姜姓。堯封功臣。錫土姓。蓋仍以其本姓命之而封為有呂氏。子孫世有爵土。

至周有申呂齊許等國。穆王時呂侯以仁賢入相。
其後不知何時改為甫侯。孔疏云。揚之水平王之
詩。云不與我戍甫。明子孫改封為甫侯。穆王時未
有甫名。稱甫刑者。後人以子孫國號名之。猶叔虞
初封唐。子孫封晉。而史記稱晉世家。案此篇本名
呂刑。因後呂改名甫。亦稱甫刑。孔子錄書據其本
名。而孝經禮記引皆後改之名。今古文字異實同。
互詳孝經鄭氏注箋釋。呂侯受王命為三公。蓋以
司空公領司寇。以恤刑言於王。王因命之。故經曰
惟呂命。度作刑以詰四方。序曰呂命。穆王訓夏贖。

刑。謂呂侯受命於王。為王度時省刑也。自周公致
太平。刑措四十餘年。昭王之末。周德漸衰。穆王晚
歲。民或觸罪者多。貪利或以獄貨為寶。故此篇深
切告戒。諄然猶見先王視民如傷之仁也。今本呂
刑在文侯之命費誓前。

惟呂命。王享國百年。耄荒。度作詳刑。以詰四方。詳字據周

禮太宰大司寇注增

呂侯受王命。入為三公。書說云。周穆王以呂侯為
相。疏箋云。史箋說。穆王即位。春秋已五十矣。立五

十五年崩。耄一作旄。周禮大司寇注引一作眊。漢

羣經音辨作耗

注刑法馬氏曰。度。法度也。釋今本脫詳字。**釋曰**呂命

猶說命畢命罔命。皆自上命下。蓋呂侯受王命入相。於三公為司空。公。於六卿為司寇。將順王任賢恤刑之美意。以整官方。修刑典。言於王。王因命之訓。夏贖刑。故以惟呂命三字發端。言呂侯受命而為此也。史公云甫侯言於王。此說經之意。非以言字當命字。段氏孫氏讀惟呂命王為句。於下二句文義不協。失之。王享國百年。耄荒者。言王春秋高。自慮耄亂荒忽。欲度時宜。作詳審之刑法。以禁四方之官邪。而謹折獄。命呂侯訓其事。自王曰以下。

皆呂侯為王所作訓辭也。詰者。太宰注云。禁也。大司寇布憲注云。謹也。據春秋內外傳。穆王蓋雄才大略。而經營四方時。不免以萬民惟正之供為觀。逸遊田之用。其後聞祭公謀父祈招之詩。能以仁義自克其多欲。且巡幸所過。多知官吏積弊民間疾苦。此篇蓋如漢武帝輪臺悔過之詔。其言至誠惻怛。與堯典欽恤康誥惇庥同意。故夫子錄之。且亟引之。周禮五刑二千五百。此三千。或據其條目多少。以為此重彼輕。孔氏以為周禮重刑多輕刑少。此輕刑多重刑少。則是彼重此輕。愚謂條目多

少。或一事析為數條。或數事并為一條。難以懸定其孰輕孰重。刑罰世輕世重。各因時宜。要之序云訓夏贖刑。贖刑之法。本為意善功惡。疑不能定者。設其罰金。以易周禮推之。凡誤殺傷人者。當予讐家。犯公法者。入官。而貪以敗官者。於此最易染指。使恤民良法。徒滋弊竇。故篇中訓之尤詳。每條必曰。疑赦。閔實其罪。曰。無僭亂辭。曰。其審克之。可謂正大深切。而說者乃苟訾穆王。因帑藏空虛。創此法以歛財。如此而孔子尚錄之手。其誣古賢王。謬於聖人亦甚矣。互詳堯典。旄旌皆借字。此第一

章敘作書訓刑緣起。

王曰。若古有訓。蚩尤惟始作亂。延及于平民。罔不寇賊。鴟義姦宄。奪攘矯虔。

蚩尤霸天下。黃帝所伐者。學蚩尤為此者。九黎之君。在少昊之代也。盜賊狀如鴟。梟鈔掠良善。劫奪

人物。疏有因而盜曰攘。矯虔謂挽擾。春秋傳虔劉

我邊陲。謂劫奪人物以相挽擾也。

秋官司刑疏

箋云馬

氏曰。蚩尤。少昊之末九黎君名。鴟。輕也。

釋文鴟一作

消。潛夫論曰。受命之君承大亂之後。其民乃並為

敵讎。罔不寇賊。消義姦宄。奪攘。

述究一作軌。周禮司刑

疏奪。壁。中古。文。作。啟。說文曰。啟。強取也。从支。危聲。

周書曰。啟。攘矯虔。文部。矯一作播。注司刑
釋曰此篇訓

夏贖刑。蓋皋陶當唐虞夏之際。本伯夷所降之典。而制刑。殷周皆祖之。康誥言殷彝。此又推而上之。猶康誥言殷先哲王。又言古先哲王。立政言古之人迪。惟有夏之意也。全篇大義。在訓四方。司政典獄。以伯夷為法。以苗民為戒。故發首言刑之所由起。而述古訓。若順也。言順稽古。有是訓。如下文所云也。孔子曰。蚩尤。庶人之貪者。孫氏云。史記五帝本紀云。神農氏世衰。諸侯相侵伐。蚩尤最為暴。莫

能伐。又云。蚩尤作亂。不用帝命。黃帝乃徵師諸侯。與蚩尤戰于涿鹿之野。遂禽殺蚩尤。而諸侯咸尊軒轅為天子。是為黃帝。孔子三朝記以蚩尤為庶人者。蓋上古或諸侯相侵伐。惟蚩尤以庶人作亂犯上。史記正義引龍魚河圖云。蚩尤兄弟八十一人。並獸身人語。銅鐵額。食沙。造五兵。仗刀戟大弩。威振天下。夫云兄弟八十一人。必非天子諸侯。是庶人之作亂者。始于蚩尤。民效之以為寇盜。故云延及平民。延。引也。平。齊等也。平民。謂齊民也。史記集解引應劭曰。蚩尤。古天子。傳記或言諸侯。或言

霸天下。皆由庶人僭位言之。案豈尤以莠民聚黨
橫行。據有土地。僭竊位號。遂大肆凶虐。造為淫刑
以殺人戕敗人。盜賊惡化。漸染齊民。殺人不忌。人
如鳩梟。劫奪良善。騷擾天下。賴黃帝誅之。而大亂
平。寇賊者。強聚為寇。殺人為賊。鳩義者。義善也。鳩
惡鳥。好鈔掠。故以目惡人鈔掠良善。劫奪財物。潛
夫論作消義。謂消滅義理。意大同。馬訓鳩為輕。王
氏念孫讀義為俄。云鳩者。冒沒輕僥。義者。傾表反
側也。說文云。俄。行頃也。詩箋云。俄。頃貌。廣雅釋詁
云。俄。表也。古者俄義同聲。案馬蓋讀鳩如敬。敬。俄

皆衰僻也。義亦通。挽擾。謂攬挽紛擾。使民不有康食。無所措手足。或曰。矯如矯邦令之矯。韋昭云。詐稱為矯。強取為度。亂黨橫行暴民專制之禍如此。非大聖人起而撥亂反正。則生民無噍類矣。蚩尤既為黃帝所誅。其餘黨後為九黎。又為三苗。為注誤。以蚩尤為即九黎。失之。此第二章第一節。將舉苗民虐刑為戒。推其亂首自蚩尤始。

苗民弗用靈制。以刑。惟作五虐之刑。曰法。殺戮無辜。爰始淫為劓剕。桡。越茲麗刑。并制。罔差有辭。

苗民。謂九黎之君也。九黎之君於少昊氏衰而棄

善道。上效蚩尤重刑。必變九黎言苗民者。有苗九

黎之後。顓頊代少昊。誅九黎。分流其子孫。居於西

裔者。為三苗。至高辛之衰。又復九黎之惡。堯興又

誅之。堯末又在朝。疏。縹衣舜臣堯。又竄之。後禹攝位。

又在洞庭。逆命。禹又誅之。穆王深惡此族。三生凶

惡。故著其氏而謂之民。疏。縹衣民者。冥也。言未見

仁道。疏。縹衣則斷耳。剝截鼻。極謂極破陰。黥謂竊黥

人面。苗民大為此四刑者。言其特深刻。異於皋陶

之為。疏越於也。茲此也。麗施也。於此施刑。并制其

無罪者。詩正箋云。靈善也。詩定之弗用靈。禮記。縹

月疏方中箋

衣作匪用命。子曰。夫民教之以德。齊之以禮。則民有格心。教之以政。齊之以刑。則民有遯心。故君民者。子以愛之。則民親之。信以結之。則民不倍。恭以泣之。則民有孫心。甫刑曰。苗民匪用命。制以刑。惟作五虐之刑曰法。是以民有惡德而遂絕其世也。墨翟書弗作否。靈作練。制作折。虐作殺。曰。昔者聖王制為五刑。以治天下。逮至有苗之制五刑。以亂天下。則此豈刑不善哉。用刑則不善也。是以先王之書。呂刑道之曰。苗民否用練。折以刑。惟作五殺之刑曰法。尚淫大也。釋剝則或當為剝剝。鄭及注同。疏義同。

則剗脷黥四字。今文作牘宮剗割頭魚黥七字。

典

疏脷。壁中古文作𠂔。說文曰。𠂔。去陰之刑。从支。𠂔。

聲。周書曰。剗。

段云當為剗

剗。𠂔。

或稱鄭本作剗。

剗。

典

疏

釋曰

蚩尤始作亂。以虐刑殺傷人無數。平民競

為寇賊。姦宄相傷相殺。黃帝既誅蚩尤。蓋即法天

討而制正刑。以禁天下之殺人傷人。而其治民一

以德化。萬不得已而後用刑。至少昊之後世政衰。

諸侯有九黎者。實三苗之祖。據左傳三苗即饕餮。

蓋繒雲氏之不才子。不用黃帝之善道為教命。其

待民一制斷以刑。惟作五種殘虐之刑。謂之曰法。

其刑既特深刻。又不先教戒。不別是非。殺戮無辜。於是始大為不法之制。則極黥。同於蚩尤。異於先王之政刑。於此附麗於刑者。濫施之。并制其無罪者。雖有辭辯明。而無所別擇。一皆刑之。不道之甚。則剕。極黥與五刑之墨。剕。剕宮。不盡同。而其同者。又加深刻。且濫施無罪。故曰淫為。極見其慘而不德。少昊之末。九黎為之。高辛之衰。三苗踵其惡。故曰始淫為。聖人之制刑。務使情罪相當。以止天下之相殺相傷。苗民之用刑。務為深刻株連。以自快其好殺好傷。此聖人所以不得已而更制五刑。以

定亂。慎制五刑以禁暴也。余於易噬嗑箋釋論之。
秦詳。堯典流宥五刑下又引而申之。剕剕。鄭注及
偽孔傳孔疏皆先剕後剕。說文作剕剕。剕或剕之
誤。今文作臠宮剕剕。或疑臠與剕相當。然苗刑豈
必與夏刑及周禮同。許鄭古文亦不必與今文同。
桷者斂之借。剕者斂之別。王氏引之謂今文臠宮
剕剕當作臠宮剕剕。宮剕連讀。引尚書刑德放曰。
宮者。女子淫亂。執置宮中不得出。剕者。丈夫淫割
其勢也。此訓釋甫刑之辭。蓋宮剕皆是淫刑。剕字
即在宮字下。故書緯隨宮字解之。白虎通義說五

刑曰。割宮在其中刑者也。割宮當為宮割。亦本甫
刑也。鄭注文王世子曰。宮割。注刑也。又注孝經曰。
男女不以禮交者宮割。皆本甫刑也。御覽刑法部
黥下引潘德放曰。涿鹿者。笮人類也。黥者。馬羈笮
人面也。又引鄭注曰。涿鹿黥。皆先以刀笮傷人。墨
布其中。故後世謂之刀墨之民也。然則墨刑在面
謂之黥。在額謂之涿鹿。涿古讀若獨。涿鹿。疊韻字
也。頭庶刺即涿鹿黥。頭涿古同聲。庶即鹿之譌耳。
案頭獨一聲之轉。馬羈者。謂刻人面。縱橫如馬之
有羈絡也。據馬羈之文。涿鹿或別有說。非經正文。

且置之。王伯申說宮割是矣。頭庶黥。或當如西莊說。讀庶為煮。與周禮庶氏同。謂煮墨以窒頭額上瘡孔。及刻面也。如古文。則則劓。劓與墨劓。劓宮異。則者截耳。劓者刑足。劓者男女並劓。毀其陰。宮者男子割勢。婦人幽閉。如今文。則臠。宮割劓頭庶黥。即下五刑之四。但笞額笞面並言。要皆深刻淫濫耳。刺者。黥之異體。弗匪否聲轉義同。靈訓善。同令。令與命通。總謂以道德為善政善教。練者。靈聲轉借字。制折聲轉義同。論語折獄。魯讀折為制。虐殺義近。當以虐為正。苗刑視正刑為特刻深。又不

教而殺謂之虐。曰法者。以不法為法也。麗附也。差擇也。辭辯訟直辭也。有附於其法者。即濫施淫刑。并拘制無辜。不分曲直也。緇衣云。民有惡德。即下文民興胥漸。遂絕其世。即無世在下也。鄭注皆依國語楚語為說。緇衣注及國語韋注義皆同。云免末又在朝者。苗雖叛服無常。當時蓋猶來朝貢。或以王官羈縻之。使撫其衆而改為善。終怙惡不悛。乃竄之。舜末禹攝位。又逆命征之。見檀弓及墨子。詳堯典。九黎之後為三苗。世濟其惡。故以苗目黎。貶其諸侯之號而謂之民。猶蚩尤僭霸天下而孔

子謂之庶人。民者冥也。在凡民則為愚蒙。未有所知。此降而稱民。則為冥頑。不知人道。下文稱古帝曰皇帝。皇大也。君也。此稱苗頑曰苗民。經文分別聖狂。懸絕其尊卑。正名順言。鄭君深得其旨。後人或妄議之。謬。

民興胥漸。泯泯棼棼。罔中于信。以覆詛盟。虐威庶戮。方告無辜于上。上帝監民。罔有馨香德。刑發聞惟腥。

箋云

大傳說。唐虞象刑而民不敢犯。苗民用刑而

民興犯漸。泯泯棼棼。一作泯泯紛紛。

論衡春秋傳寒溫

日信不由中。質無益也。戮一作僇。方一作翁。上一

作天帝

論衡監視也。註

酒誥曰。弗惟德馨香祀登

聞于天。誕惟民怨。腥聞在上。

釋曰。民下民也。興起

也。胥相也。漸者。孫氏云。猶詐也。荀子不苟篇云。小

人知則攫盜而漸。正論篇云。上幽險則下漸詐矣。

莊子胥篋篇云。知詐漸毒。此云民興胥漸。言小民

方興相為詐漸。故下文周中于信以履詛盟也。大

傳云。犯漸者。亦言興詐以犯上也。案泯泯昏也。一

作涵。昏墊沈涵同意。勞勞亂也。傳曰。治絲而勞之。

紛義同。周中于信。言約信不由中出。此倒句法。履

反也。詛。詛祝。盟。盟誓。徵於鬼以為信。信不由中。則

必背盟。虐威庶戮。言虐威所加衆被刑戮者。方猶
併也。或作翦。溥也。意同。言皆想怨於天也。監民之
民。謂苗民。罔有馨香德二句。與酒誥同義。此節言
苗民以虐刑賊殺下民。民無所措手足。又染其惡
化起而相欺詐。泯泯然昏。棼棼然亂。或互相告訐
誣陷。嫁禍以求自脫。牽連以致同坐。鬼域為心。匿
怨而友。信誓旦旦。隨即反覆。民族之惡如此。暴君
汙吏並制罔差。虐威之下衆共刑戮。並呼冤告無
罪於天。民心之怨如此。上帝下視苗民。無有馨香
之明德。其虐刑惡氣發而上聞者。惟腥穢耳。故聖

人起奉天討過絕之。夫民愚而不可欺。賤而不可犯。民不畏死。以死懼之。則冒死行凶。以詐相邀。暴愈甚則亡愈速。後世呂政王莽楊廣朱溫閹獻髮逆等暴君賊民。皆蚩尤苗民之徒。同歸滅亡而已矣。此第二節。言有苗之先九黎踵蚩尤作五虐之刑。民怨天怒。以致滅亡。

皇帝哀於庶戮之不辜。報虐以威。遏絕苗民。無世在下。

箋云鄭義以皇帝哀於庶戮之不辜至罔有降格。皆說顓頊之事。乃命重黎即是命重黎之身。非義

和也。皇帝清問以下乃說免事。顓頊與堯再誅苗

民。故上遇絕苗民。下云有辭于苗。異代別時。非一

事也。

疏約鄭義如此。非直引注文。故不敢米為注。然其義則甚。是與前注及國語章注皆合。章

亦本鄭也。

釋曰

皇大也。君也。皇帝猶言皇天。皇祖皇考

皇王。尊大古聖帝而稱之。江氏云。皇帝。顓頊也。報

當罪人也。顓頊哀憐衆被戮者。不以其罪。報彼

虐民者。以威遇絕苗民。使無有繼世在于下土。謂

誅其身。流其子孫也。又云。當謂稱其罪而斷刑。罪

重則重刑。輕則輕刑。適與相當也。案江說是也。荀

子云。有道德之威。有暴察之威。有狂妄之威。上云

虐威。狂妄之威也。下云德威。道德之威也。此云報
虐以威。明是以德行威。為被虐者報冤。孟子曰。為
其殺是童子而征之。殺童子。虐也。征之。報以威也。
所謂為匹夫匹婦復讐也。漢高帝入關。告諭曰。殺
人者死。傷人及盜抵罪。殺人傷盜。虐也。死及抵罪。
報以威也。漢書敘傳述酷吏云。報虐以威。殃亦凶
終。顏注引書釋之曰。言哀閔不辜之人。橫被殺戮。
乃報答為虐者以威而誅絕也。或說今文皇帝但
作帝字。訓為天。義雖不當。然說報虐以威。亦當謂
天道好還。如下云報以庶就。論衡譴告篇乃謂以

惡報惡。則庶幾本非不幸。而遇絕仍是用威。顯與經戾矣。此今文異說不可從。

乃命重黎。絕地天通。罔有降格。羣后之逮在下。明明烝常。鰥寡無蓋。

箋云國語昭王問於觀射父曰。周書所謂重黎實使天地不通者何也。對曰。少皞之衰也。九黎亂德。民神雜糅。不可方物。家為巫史。民潰齊盟。無有嚴威。神狎民則不顯其為。嘉生不降。禍災荐臻。顓頊受之。乃命南正重司天以屬神。火正黎司地以屬民。使復舊常。無相侵瀆。是謂絕地天通。其後三苗

復九黎之德。免復育重黎之後不忘舊者。使復與之。以至於夏商。故重黎氏世敘天地。韋氏曰。少昊。黃帝之子。金天氏也。九黎。黎氏九人也。少昊氏殁。顓頊高辛氏作。絕地天通。絕地民與天神相通之道也。其後高辛之季年也。三苗。九黎之後也。高辛氏衰。三苗為亂。行其凶德。如九黎之為。免興而平三苗之亂。繼育重黎之後。使復與天地之官。羲氏和氏是也。楚降下也。格。陞也。棊。輔也。釋明明。察也。

訓。釋。墨翟書引羣后之逮在下十四字。在有辭有苗

之下。德威維威之上。羣上有曰字。逮作肆。棊作不。

無蓋作不蓋。

尚賢

釋曰

國語說此經甚詳。鄭義悉據

之。王氏曰。據此則命重黎絕地天寶是顓頊。知此

經皇帝哀矜云云指謂顓頊也。其皇帝清問云云

即繼以命伯夷禹稷。則是免事非顓頊矣。鄭據觀

射父之言以說此經。確不可易也。且據此則知皇

帝遏絕苗民。此苗民實指九黎。非三苗。其下皇帝

清問下民。鰥寡有辭于苗之苗。方是三苗。且據此

益知上文苗民弗用靈。鄭以苗民為九黎之君。其

說最精。案王說是也。苗民既遏絕。則民無冤誣。無

庸詛盟。而愚民習染。不知天人之理。乃命重黎分

主神民。絕在地之民與在天之神相通之邪說。使
知天道福善禍淫。苟獲罪於天則無所禱。向之神
人雜糅。皆妖巫假淫昏之鬼。以疑衆。初非真與天
人相通。有茲詛盟而降格者。屬神。若宗伯掌祭祀
之禮。屬民。若司徒掌教養之法。務民之義。敬鬼神
而遠之。人事倫則順於鬼神。神與人異道則不相
傷矣。若夫經言惟帝降格。則臨下有赫。傳稱國將
興明神降之。將亡神又降之。則監其善惡。皆與謠
瀆以招淫厲致禍災者絕相反。言各有當。理實一
也。重黎羲和互詳堯典。羣后之遠在下。逮及也。帝

既命重黎分司天地屬神民。其餘卿士邦君各選
賢能。其政教之接及下民。皆明德著察。洞悉下情。
賞善罰惡。以輔天常。鰥寡之微。無有揜蓋不達其
隱者。言民情得所。孫氏訓逮為遏。云謂遏訟。周禮
禁殺戮。掌遏訟者。以告而誅之。注。鄭司農云。遏訟
者。遏止欲訟者也。蓋蔽也。言顓頊命重司天黎司
地。使神民不同位。上下分絕。以禮烝享而通之。祭
則受福。無有升降雜糅。于羣后之遏訟在下者。能
明揚明哲之人以輔天常。使鰥寡無壅蔽之情也。
墨子逮作肆。說詳下。江氏據之移易經文先後。據

疏約鄭義謂鄭本與彼同。段氏云。果爾。釋文正義不應無一字道及。正義集括鄭注之語不應拘泥。且墨子摺抵不同。又不應據子改經也。此第三節。言顓頊誅有苗。盡解民惑。深恤民隱。

皇帝清問下民。鰥寡有辭于苗。德威惟畏。德明惟明。

箋云馬氏曰。清問。清訊也。釋文墨翟書無鰥寡字。于

作有。畏。一作威。表記引甫刑曰。德威惟威。德明惟

明。非虞帝其孰能如此乎。鄭氏曰。德所威則人皆

畏之。言服罪也。德所明則人皆尊之。言得人也。皇

帝。今文但作帝。說為天。**趙氏孟****釋曰**此皇帝謂堯

子注

亦兼舜。古天子不滅國。而苗民世濟其惡。聖帝誅之者非一代。顓頊既遇絕之於前。堯又平其亂於後。清猶明也。堯既誅有苗。清明訊問下民之疾苦。鰥寡皆有冤痛之辭于苗。訟其虐民之惡也。堯敷大德於天下。德所威誅。為民去虎狼。則天下皆畏服之。謂前平三苗。後并罪四凶也。明猶尊也。德所尊顯。為民立父母。則天下皆尊仰之。謂前命羲和。後舉舜命三后等也。羲和即修重黎之職。故畧不言。命禹稷皋陶皆在舜臣堯時。後三后等皆為舜臣。則此文皇帝亦兼舜言。故表記引德威二句云。

非虞帝其孰能如此。明舜德同堯。後有作者弗可及也。江氏依墨子所引釋此文。云肆陳也。言堯當除蚩尤有苗之刑。先審問于下民。皆有辭說訟有苗之罪。且曰羣后之所陳在下。明其辭之有徵也。肆讀為匪。帝明察匪常。周悉民隱。鰥寡之人無有掩蓋不上達者。案江說亦通。但經文皇帝哀矜至鰥寡無蓋。述額頊事。皇帝清問至配享在下。述堯舜事。文甚完具。其間語多相應。如墨子所引。則上節文不完。下節語多複。墨翟引經多異。今本或斷章。或脫誤。不可盡據。疏約鄭義。但取經兩言皇帝。

兩言乃命。鄭說與偽孔殊。他非所及。尤難臆斷。江氏書學至精。而此等處未免好古之過。段氏正之。是也。據國語所說。則皇帝為古帝。墨子引亦有皇字。今文無皇字。而以帝為天。不合經語意。

乃命三后。恤功于民。伯夷降典。折民惟刑。禹平水土。主名山川。稷降播種。農殖嘉穀。三后成功。惟殷于民。

箋云

命一作名。墨子典下一有禮字。惟一作以。大尚賢

傳孔子曰。古之刑者省之。今之刑者繁之。其教古者有禮。然後有刑。是以省刑也。今也反是。無禮而齊之以刑。是以繁也。書曰。伯夷降典禮。折民以刑。

謂有禮而後有刑也。折一作哲。墨子一作慙。漢書刑

法志曰。書云。伯夷降典。愆民惟刑。言制禮以止刑。

猶隄之防溢水也。馬鄭折音慙。馬氏曰。折。智也。釋文

折猶作制。陶潛四目爾雅曰。釋地以下至九河皆禹

所名也。釋水大戴記五帝德曰。使后稷播種務勤嘉

穀。殷一作假。墨翟書曰。三后成功。維假於民。則此

言三聖人者。謹其言。慎其行。精其思慮。索天下之

隱事遺利。以上事天。故天鄉其德。下施之萬民。萬

民被其利。終身無已。釋曰命。堯命之也。三后。伯夷

禹稷也。天子公卿及諸侯皆稱后。后。君也。江氏云。

恤功于民。盡撫恤之功于民也。愬。智也。伯夷下典
禮以教民。智其民然後示之以刑。言制禮以止刑
也。主名山川者。立山川之主。命山川之名也。殖。亦
種也。案立山川之主。謂定其次秩尊卑。祀禮所視。
所謂奠高山大川也。播種猶播時。言稷下教民稼
穡。農民盡樹藝五穀也。殷。盛也。假。大也。言有功於
民盛大也。堯初平苗亂。誅其君。恤其民。使伯夷降
下典禮。開通民智。使知善惡吉凶所在。出乎禮則
入乎刑。民皆知禮為天秩。天敘人性所固有。反是
則天討所在。日徙善遠罪而亂無由生。傳稱伯夷

為堯老臣。世本言伯夷作五刑。蓋堯除苗虐刑。即復古黃帝少昊以來五刑。命伯夷以禮官兼播刑條。使民知刑之所以作而恥不敢犯。至洪水之後。下民其咨。萬國不粒。彝倫攸斁。舜臣堯。舉禹治水。稷教稼。契敷教。皋陶制刑。而教典刑典與禮典各得神聖分職而治。堯典曰。象以典刑。謂皋陶制五常之刑。蓋即本伯夷所以懲民者而加精詳。伯夷在前。皋陶在後。此經主言刑。故敘伯夷在禹稷之前。而三后之下。又特舉皋陶作士。刑出於禮。有禮而後有刑。故下文又云伯夷播刑之迪。聖人道同。

虞書皋陶方祇厥敘。旁施象刑惟明。史公以為伯夷特書之。或云皋陶不與三后之列。蓋以刑官而吝之。不知皋陶盛德與禹稷契同。刑官正當以仁人為之。立政特言蘇公。康叔實為司寇。春秋時柳下惠為士師。孔子為魯司寇。刑官能體天德。造福莫大。何吝之有。此說雖出漢人。非經意也。命名聲義同。殷假形近字變。義並通。墨翟說蓋總括下文言之。

士制百姓于刑之中。以教祇德。

箋云堯典帝曰。皋陶。汝作士。士。一作爰。中。一作衷。

梁統說經曰爰制百姓于刑之衷。孔子曰。刑罰不衷。則人無所措手足。衷之為言。不輕不重之謂也。

後漢書本傳

釋曰士者。皋陶所居官。猶棄稱稷也。孫氏

云。言三后成功。而後士師制止百姓于刑之中也。

祇敬也。刑得中。則民服教而敬德。案民既離亂虐

而知禮義。又為禦災捍患。使各安居足食。乃防制

之于刑之中正。以教之。敬慎其德。使無犯禮而誤

入於刑。所以有象刑也。段氏謂此經作士者古文。

作爰者。今文。據鄭前注。言苗刑特深刻。異於皋陶

之為。正顧此文而言。則鄭本作士。非偽孔所改。段

說甚是。今文作爰不及皋陶者。蓋以伯夷在先。且重在以禮止刑。三后於五臣但舉其二。意有所主。如君奭但稱甘盤不及傅說。初非品藻軒輊也。此第四節言堯舜復平苗亂。本禮制刑。大施功德於民。

穆穆在上。明明在下。灼于四方。罔不惟德之勤。故乃明于刑之中。率乂于民。棣彞。

箋云穆穆。美也。灼灼。明也。

釋曰言堯舜有穆穆

之美德。君臨於上。三后及士等奉行君德。明明于下。昭灼于四方。無不惟德之勤。修己以安人。明德

以慎罰。故乃能明于刑法之中。循之以治于民。輔其常性。率循又治。禁輔尋常也。明明在下。與上羣后之逮在下。明明相應。禁彝即上禁常。前鯀寡有辭于苗。與上鯀寡無蓋相應。聖人之治先後一揆也。此云惟德之勤。下云敬忘罔有擇言在身。即墨子所謂謹其言慎其行。精其思慮。索天下之隱事遺利。上思利民。念茲在茲也。下云惟克天德自作元命配享在下。即彼所謂以上事天。則天鄉其德。下施之萬民。萬民被其利也。墨翟去古未遠。遠聞書家遺說。慎擇其不謬於聖人者可也。

典獄非訖于威。惟訖于富。敬忌罔有擇言在身。惟克天德。自作元命。配享在下。

大命。謂延期長久也。

疏云。

數同主也。說文迄止

也。註釋敬忌下一有而字。身一作躬。表記引甫刑曰。

敬忌而罔有擇言在身。鄭氏曰。忌之言戒也。外教

而心戒慎。則無有可擇之言在于身也。

在字依江氏據疏改

克。肩也。

說文克部

釋曰。

堯舜時羣后惟德之勤。又民禁

彝。則禮達而刑措矣。其止獄者。非廢止於行威。有

殺人者不死而傷人者不刑也。惟止絕於求富。屏

遏賄賂。以至廉表率吏民。敬德而忌不善。無有可

擇之言在身。己帥而正。孰敢不正。荀子之不欲。雖
貴之不竊。此使無訟之本也。孫氏訓富為福。云郊
特牲云。富也者。福也。言主獄不當終于立威。惟終
于作福。即下文一人有慶。兆民賴之也。說亦善。又
以擇為擇借字。訓敗。通作數。夫無敗言則無可擇
去。不必改讀。口無擇言。純乎德也。故下云惟克天
德。江氏云。克。肩任也。元。大也。肩任天德。建極斂福。
則延期長久。永配天命而享天祿于下矣。案天德。
太極元氣也。極。終也。元。仁也。天地之大德曰生。仁
以為己任。則生氣與天合。在臣下則體中蹈和。積

善累功。天壽平格而有國命。身其康彊。子孫逢吉。
在天子則允執其中用之於民。皇建有極。錫福庶
民。受天之祜。享鬼神之靈。而天下同臻仁壽矣。
此第五節。極贊堯舜以德化民。本禮制刑致治之
盛。以上第二章。歷陳古訓。一治一亂。為下法戒。
張本。古之聖賢天子。務使為人上者有功於民。湯
誥逸文告諸侯。以禹皋陶后稷為法。以蚩尤為戒。
此篇正其遺意。